

國學基本典籍叢刊

杜澤遜

審定

元本白虎通德論

二

國家圖書館出版社

(漢)班固 撰

元本白虎通德論

第二冊

國家圖書館出版社

第二册目錄

卷五

封禪	一
巡狩	七
考黜	一三

卷六

王者不臣	二七
著龜	三二
聖人	三六
八風	四〇
商賈	四二

卷七

文質

三正

三教

三綱六紀

卷八

情性

壽命

宗族

姓名

天地

日月

四時

衣裳

五刑

.....

.....

.....

.....

.....

.....

.....

.....

.....

.....

.....

.....

.....

一〇四

一〇二

一〇〇

九七

九五

八四

八〇

七八

七一

六五

六一

五四

四五

五經

.....

一〇六

卷九

嫁娶

.....

一一一

卷十

紼冕

.....

一三三

喪服

.....

一三九

崩薨

.....

一五二

白虎通德論卷第五



臣班固纂集

封禪

王者易姓而起必升封泰山何。教告之義也。始受命之時改號應天。天下太平功成封禪以告太平也。所以必於泰山何。萬物所交代之處也。必於其上何。因高告高順其類也。故升封者增高也。下禪梁甫之山。基廣厚也。刻石紀號者著己之功跡也。以自效放也。天以

高爲尊。地以厚爲德。故增泰山之高。以放天
附梁甫之基。以報地。明天地之所命。功成事
遂。有益於天地。若高者加高。厚者加厚矣。或
曰。封者金泥銀繩。或曰。石泥金繩。封以印璽。
故孔子曰。升泰山。觀易姓之王。可得而數者。
七十有餘。封者廣也。言禪者明。以成功相傳
也。梁甫者。太山旁山名。正於梁甫。何以三皇
禪於繹繹之山。明已成功而去。有德者居之。
繹繹者。無窮之意也。五帝禪于亭亭者。制度

審諛德著明也。三王禪于梁甫之山者，梁信也。甫，輔也。輔天地之道而行之也。太平乃封，知告于天，必也。於岱宗，何明知易姓也。刻石紀號，知自紀于百王也。燎祭天報之義也。望祭山川，祀群神也。詩云：於皇明周，陟其高山。言周太平封太山也。又曰：墮山喬嶽，允猶翕河。言望祭山川，百神來歸也。天下太平，符瑞所以來至者，以為王者承統，理調和陰陽，陰陽和萬物序，休氣充塞，故符瑞並臻，皆應德。

而至德至天則斗聖明日月光甘露降德至
地則嘉禾生蕢茨延和鬯出太平感德至文
表則景星見五緯順軌德至草木朱草生木
連理德至鳥獸則鳳凰翔鸞鳥舞騏驎臻白
虎到狐九尾白雉降白鹿見白鳥下德至山
陵則景雲出芝實茂陵出異丹阜出蓮甫山
出器車澤出神鼎德至淵泉則黃龍見醴泉
通河出龍圖洛出龜書江出大貝海出明珠
德至八方則祥風至佳氣時喜鐘律調音度

施四夷化。越裳貢孝道至。則以蓮甫者。樹名也。其葉大於門扇。不搖自扇。於飲食清涼。助供養也。繼嗣平明。則賓連生於房戶。賓連者。木名。連累相承。故在於房戶。象繼嗣也。日曆得其分度。則奠以莢。生於階間。奠莢。樹名也。月一日生一莢。十五日畢。至十六日去莢。故莢階生似日月也。賢不肖位不相踰。則平路生于庭。平路者。樹名也。官位得其人。則生。失其人。則死。狐九尾何。狐死首丘。不忘本也。明

安不忘危也。必九尾者也。九妃得其所。子孫
繁息也。於尾者何。明後當盛也。景星者大星
也。月或不可見。景星常見。可以夜作。有益於人
民也。甘露者美露也。降則物無不盛者也。朱
草者赤草也。可以染絳。別尊卑也。醴泉者美
泉也。狀若醴酒。可以養老。嘉禾者大禾也。成
王時有三苗異畝而生。同爲一穗。大幾盈車。
長幾充箱。民有得而上之者。成王訪周公而
問之。公曰。三苗爲一穗。天下當和爲一乎。以

是果有越裳氏重九譯而來矣。

巡狩

王者所以巡狩者何。巡者循也。狩牧也。爲天下循行守牧民也。道德太平。恐遠近不同化。幽隱有不得所。考禮義正法度。同律曆計時月。皆爲民也。尚書曰。遂覲東后。叶時月。正日同律度量衡。修五禮。尚書大傳曰。見諸侯問百年。太師陳詩以觀民命風俗。命市納賈以觀民好惡。山川神祇有不舉者。爲不敬。不敬

者削以地。宗廟有不順者爲不孝。不孝者黜以爵。變禮易樂爲不從。不從君流。改制度衣服爲畔。畔者君討。有功者賞之。尚書曰。明試以功。車服以庸。巡狩所以四時出。何當承宗廟。故不踰時也。以夏之仲月者。同律度當得其中也。二月八月晝夜分。五月十一月陰陽終。尚書曰。二月東巡狩。至于南岳。八月西巡狩。至于西岳。十月一月初巡狩。至于北岳。所以五歲巡狩。何爲

太煩也。過五年為太踈也。因天道時有所生。歲有所成。三歲一閏。天道小備。五歲再閏。天道大備。故五歲一巡符。二年小備。二伯出述職。黜陟一年。物有終始。必有所成。方伯行國時有所生。諸侯行邑。傳以。周公入為三公。出為二伯。中分天下。出黜以。詩曰。周公東征。四國是皇。言東征述職。周以。黜陟而天下皆正也。又曰。蔽芾甘棠。勿剪以。伐。召伯所茇。言邵公述職。親說舍於野樹以。下也。春秋穀梁傳

曰古之君民以時視民之勤。巡狩祭天何本。巡狩為祭天告至。尚書曰東巡狩至于岱宗。柴也。王者出必告廟何。子子出辭反面事死。如事生。尚書歸假于祖。禘曾子問曰王者諸侯出稱告祖禩使祝遍告五廟尊親也。王者將出告天者示不專也。以王制曰類于上帝。宜乎社造于禩類祭以四配。不曰接者尊無二禮。尊尊之義造于禩。側見禩何辭從畢。不復留尊者之命。至禩不。不至祖即祭告天。

為告事也。祖為出辭也。蓋異告于尊者。然後
乃辭出。王者諸侯出。必將主何示有所尊。故
曾子曰。王者將出。必以遷廟主行。載于齋車。
示有尊也。無遷主。以幣帛主。告于祖禰廟。遂
奉以出。每舍奠焉。蓋貴命也。必以遷主者。明
廟不可空也。王者巡狩。諸侯待于境者何。諸
侯以守蕃為職也。禮祭我曰。天子巡狩。諸侯
待于境也。王者巡狩。必舍諸侯祖廟。何明尊
無二上也。故禮坊記曰。君適其臣。升自阼階。

示不敢有其室也。禮曰：天子適諸侯，必舍其祖廟。王者出一公，以其屬守；二公，以其屬從也。王者巡狩崩于道，歸葬何？夫太子當為喪主，天下皆來奔喪，京師四方之中也。即如是，舜葬蒼梧，禹葬會稽，于時尚質，故死則止葬，不重煩擾也。何以知太平乃巡狩？以武王不巡狩。至成王乃巡狩。岳者，何謂也？岳之為言，桶，桶功德。東方為岱宗者，言萬物更相代於東方也。南方霍山者，霍之為言護也。言萬物